



Republika e Kosovës / Republika Kosovo / Republic Of Kosovo



REPUBLIKA E KOSOVËS
REPUBLIKA KOSOVA
KOMUNA E ORAHOVACIT - OPŠTINA ORAHOVAC
Drejtoria për Arsim
Odeljenje za Obrazovanje
Nr. i prot. 116
Br. prot. 13.09.2024
RAHOVEC - ORAHOVAC

Komuna Rahovec / Opština Orahovac / Municipality Rahovec

Drejtoria për Arsim

Odeljenje za Obrazovanje
Department for Education

Informatë nga DKA për përgatitjet për fillimin e vitit të ri shkollor 2024/2025

Përshëndetje të nderuar!

Drejtoria Komunale për Arsim, ashtu sikur edhe viteve të tjera është angazhuar maksimalisht t'i bëjë të gjitha përgatitjet e nevojshme për fillimin e vitit të ri shkollor 2024-2025.

Më 2 shtator 2024, ditë e hënë, filloi viti i ri shkollor 2024/2025 në të gjitha shkollat e komunës sonë dhe nëpër çerdhe. Gjatë muajit gusht, DKA ka bërë përgatitjet e duhura në planifikimin e orëve dhe kuadrit mësimor për të gjitha nivelet, e poashtu kemi organizuar dhe mbajtur trajnim për mësimdhënësit e rinj në disa nga fushat kurrikulare. Ky trajnim është mbajtur për mësuesit dhe edukatorët e programit fillor dhe parafillor, për fushën kurrikulare të shkencave të natyrës, për fushën kurrikulare të matematikës dhe për fushën kurrikulare të shkencave shoqërore (shoqëria dhe mjedisi).

Procesi mësimor filloi, por edhe në këtë fillim viti u shkaktua problem për shkak të mungesës së furnizimit me tekste mësimore. Kjo për shkak se MASHTI përsëri, ashtu sikur vitin e kaluar, anashkaloi DKA-të dhe vendosi që të subvencionojë prindërit për blerjen e teksteve. Edhe sot e kësaj dite kemi mungesë furnizimi me tekste adekuate shkollore për nxënësit e klasave 1 deri 9, sepse Shtëpitë Botuese nuk kanë sjellë në të vetmen librari të qytetit fondin e mjaftueshëm të teksteve.

Ky vendim i përsëritur i ministries, shkaktoi edhe vonesë në furnizimin me libra e tekste shkollore për nxënësit e të gjitha shkollave të komunës sonë dhe telashe dhe tollovi pranë librarisë në qytet nga ana e prindërve. Gjatë ditëve të para të shtatorit jemi angazhuar që sadopak t'u dalim në ndihmë prindërve përmes mësuesve dhe drejtorëve të shkollave që ata ta kenë më të lehtë të orientohen për tekstet që duhet t'i blejnë për fëmijët e tyre, por edhe për t'i udhëzuar ata se si të aplikojnë në platformën e-Kosova për rimbursimin e mjeteve.

Për shkak të zvogëlimit të numrit të nxënësve, ka ndodhur edhe zvogëlimi i numrit të klasave dhe rrjedhimisht kjo ka ndikuar që disa mësimdhënësve t'u zvogëlohet fondi i orëve, sidomos në Shkollat e Mesme të Larta. Ne jemi kujdesur maksimalisht që planifikimin e orëve dhe kuadrit

arsimor ta bëjmë në mënyrë parimore, duke iu përmbajtur të gjitha ligjeve dhe udhëzimeve administrative në fuqi.

Aktivitetet kryesore që zhvilluam rreth përgatitjeve për fillimin e vitit të ri shkollor, ishin këto:

- ❖ Në kuadër të projektit të mirëmbajtjes dhe rregullimit të hapësirave të brendshme, janë zhvilluar punime në riparimin, rregullimin dhe mirëmbajtjen e nyjeve sanitare në objektin e SHML "Ukshin Hoti" në Krushë të Madhe;
- ❖ Çerdhja për fëmijë në Xërxë u pajis më në fund me inventarin e kuzhinës, i cili i mungonte;
- ❖ Në kuadër të projektit të riparimeve në shkolla, kanë përfunduar riparimet e brendshme në objektin e SHFMU "Skënder Kastrati", paralelja e ndarë në Gexhë;
- ❖ Në datat 19, 20 dhe 21 gusht është zhvilluar procesi i regjistrimit të nxënësve në klasat e dhjeta, në 3 SHML dhe në IAAP;
- ❖ Patëm një vizitë verifikuese nga komisioni I MASHTI-t në 3 çerdhet e reja të ndërtuara, të cilat së shpejti edhe zyrtarisht do të themelohen si institucione të reja të edukimit parafillor;
- ❖ Në kuadër të projektit të riparimeve në shkolla, kanë përfunduar riparimet e brendshme në objektin e SHFMU "Gëzim Hamza-Piktori" në qytet;
- ❖ Në shkollat e reja në ndërtim, në Xërxë, Ratkoc dhe Pastasel, gjatë muajit gusht, kanë vazhduar punimet. Punime janë zhvilluar edhe në ndërtimin e çerdhes së re në lagjen e epërme në qytet;
- ❖ Gjatë muajit gusht, po ashtu ka përfunduar edhe ndërtimi i rrethojës së oborrit të Çerdhes për Fëmijë "TULIPANËT";
- ❖ Përfundoi edhe trajnimi i 3 grupeve të mësimdhënësve dhe edukatoreve, i cili zgjati 6 ditë me radhë dhe u zhvillua në ambientet e SHFMU "Isa Boletini";
- ❖ Para fillimit të vitit të ri shkollor zhvilluam një takim me drejtorët e shkollave, kryetarët e KDSH-ve dhe me koordinаторët e cilësisë. Gjithashtu, mbajtëm edhe dy takime në SHFMU "Katër Dëshmorët" dhe në SHML "Ukshin Hoti";
- ❖ Të shtunën, më 31 gusht 2024, u mbajt Provimi i Maturës për maturantët, i vlefshëm për afatin e gushtit, për të gjithë ata maturantë që në qershor nuk e kishin arritur pragun e kalueshmërisë.
- ❖ Përfunduam me procesin e planifikimeve të orëve mësimore dhe kuadrit arsimor për vitin e ri shkollor 2024/2025.

